

Éasga an oinigh fán aird toir

[Mac Airt, Seán, *Leabhar Branach*, Dublin, 1944, poem 32]

Domhnall Ó hUiginn .cc.

1 Ésga an oinigh fán aird toir,  
gearr bhias 'na ésga fhaloigh,  
ráinig soin aird an oinigh,  
san aird toir a thathoighidh.

2 Gnáth an t-éasga ag éirghe thoir;  
don ré nua-so acht go nochtair  
budh é tóir glésda Gaoidhiol,  
ésga as cóir do chommaoidheamh.

3 Ré cabartha Chláir Gaoidhiol,  
dlighid cách a chommaoidheamh;  
ar bhfógra an ré naoidhe a-noir,  
níorbh é an t-aoidhe gan iarraidh.

4 Diúlta comhtha Cláir Eachaidh  
mac Aodha, is dá ainbhreathaibh;  
fríoth roighne giall ó Ghalluibh,  
doilghe riar an Raghnullaigh.

5 Ar Fhiachaidh do bhí ar mbrath,  
fear a anma a ttigh Teamhrach,  
Éire ar a thí ó tharla,  
do bhí ag céile a chomhanma.

6 A n-oighriocht is dóibh dleaghair  
do ghabháil ar Gaoidhealuibh;  
fonn Banbha do bhaoi ag Galluibh  
tarla faoi dá bhfearannuibh.

7 Trom an bhreath bheirios Fiachaidh,  
Laighnigh uaidh fá ainfhiachuibh,  
dlighidh sé seilbh an tachair  
is é a mbeirn ré mBranachaibh.

8 An roinn ghnáth ní ghabhaid sin  
do bhí ar Éirinn uair éigin;  
deacair roinn riamh ré Galluibh,  
Fiadh Floinn is dá fearannuibh.

9 Gabhaid tóir do thaobh oile,  
seachnaid oighre ar nAodhoi-ne,  
níor ghabh riamh acht tós tachair,

nós do bhiadh ag Branachaibh.

10 Sgél oirdheirc arar cóir cion  
fríoth liom ar leatrom Gaoidhiol;  
ní bu scél é gan urraidh,  
gi-bé fréamh ó [a] bhfuaramair.

11 Magh Tuireadh fá thionól Gall,  
Balar is laochraidh Lochlann  
d'iarraidh cána fhuinn Éirionn  
do dhruim ágha is airdchéimeann.

12 Do ráidh Balar na mbreath tteann:  
“Cíos gach aoin d'fhearuibh Éireann,  
uinge d'ór ní faláir linn  
nó an tsrón d'fhagháil ón inchinn.”

13 Fian eachtrann d'iarraidh troda  
níor fhulaing Lugh Lámhfhada  
gan dol ar son Chláir Cobhthaigh  
do chor áir ar allmhurchaibh.

14 Breith Bhalair a gcéill do chuir  
do Ghaidhilaibh Chláir Cobhthuigh,  
beith do thol an ghléire Gall  
nó dol re chéile a gcomhlann.

15 Tarla dhóibh nár dhóigh troda  
Gaoidhil is Lugh Lámhfhada;  
fá chora seilbhe ar Bhóinn Breagh  
slóigh na Beirbhe do braitheadh.

16 Lugh mac Céin nár thim ttachair  
do sháraigh a sheanathair,  
adhbhar maothchroidhe ag mnáibh Gall  
tré gháir laochruidhe Lochlann.

17 Ar lár cáich d'urchar fhada  
beantar lé Lugh Lámhfhada  
do chosc fiach do Chlár Cobhthaigh  
a ttriath san ágh d'allmhurchaibh.

18 Ar eachtrann san treas tárruidh  
ó urchar an Ioldánuigh;  
feidhm cabhra ar Chlár Cobhthuigh  
tarla dh'ágh an aonurchuir.

19 Branuigh fada ag feithiomh ort,  
tú, a Fhiacha, fear dá bhfurtacht;

ó tharla dhí broid Balair,  
is doid do bhí a mbaramhuil.

20 Tileadh an chláir d'fhiachaibh air  
do thaobh imeartha is urchair;  
Laighin san áth im Fhiachaidh,  
gnáth airigh fá ainfhiachuibh.

21 Ar gcur ghiall Gaoidhiol a nglas  
cáin Branach ní hí iarras  
fóir líonmhar a gceann a gcean,  
geall ó ríoghLugh go réidhteadh.

22 Do thairngir fáidh fada ó shoin  
treise Gaoidhiol ar Ghalloibh;  
an tairngire ag teacht re a linn,  
gan neart ainbhfine ar Éirinn.

23 Cuirthear uaidh dá n-éirghe a-mach  
mac Aodha 's an fhian Bhranach  
Clár Cuinn nár chleacht fá chomhthuibh  
is beart do dhruim daghorchair.

24 Ná cluinid Goill guirt Midhe  
[garr go ttiocfa an tairngire]  
triall ar Fhiachaidh go Bóinn Breagh  
'na fhiachuibh dhóibh fá dheireadh.

25 Mac Aodha bhloghas bearnaidh,  
do-clos sin a seinleabhraibh,  
dá oighreacht gan éra scol,  
séla ar oirbheart a athor.

26 Gi-bé a-déradh nár dhligh sin,  
dul d'Fhiacha tar clú a chinidh,  
go ria minlinn tar in muir  
ní bhia inghill 'na aghuidh.

27 Briathra óil gan bheith 'na mbun  
gealladh comhluinn fhir t'fhaladh;  
ní théid a rún cliachdha a gcion,  
a bhriathra ar gcúl do cuiriodh.

28 Ré shoininne nuaidhe a-noir,  
ré iomlán oiníoch Fhiachaidh;  
ní fearr fleadh Oiligh d'ithe,  
fear oinigh san impidhe.

29 Bean d'fhionnfhuil fholá Tuathail,

Róis go rogha ríoghnuachair,  
bean ar nách bí béim bronnaidh  
ag rí don fhréimh Raghnulluigh.

30 Cleachtaidh sí síordháil a cruaidh,  
buaidh múinte ar inghin Fhiachaidh,  
tearc ag mnáibh meadh a croidhe,  
an bhean dob áil d'fhiafroighe.

31 Tuig, a Róis, gur uaisle t'fhuil.  
geall fíneamhna ag fuil Tuathail;  
dob fhiú a clú dhíobh go ndearna,  
is tú fíon na fíneamhna.

32 Inghean Fhiacha nár ér scoil,  
geall ríoghbhan fhréimhe Tuathail,  
Róis 'na meadh d'Eimhir Uladh,  
bean a heinigh d'ardughadh.